



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XXVI

Broj 4/24
Datum: 12.03.2024.
Akti: 38-48.

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

38.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-38-65/24
Kakanj, 29.02.2024. godine

Na osnovu člana 36. i 37. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. i 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. i 117. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine,
donijelo je

ODLUKU
o izmjeni i dopuni Budžeta Općine Kakanj za
2024. godinu

Član 1.

U Budžetu Općine Kakanj za 2024. godinu („Službene novine Općine Kakanj“, broj: 1/24) u članu 1. mijenja se:

- u tabeli „**A. PRIHODI I PRIMICI**“ u koloni „**Budžet za 2024. godinu**“ mijenja se iznos od „35.193.205,46 KM“ i stoji iznos „35.197.212,21 KM“,
- u tabeli „**B. RASHODI I IZDACI**“ u koloni „**Budžet za 2024. godinu**“ mijenja se iznos od „35.193.205,46 KM“ i stoji iznos „35.197.212,21 KM“.

Član 2.

U članu 2. u tabeli „A. PRIHODI I PRIMICI“ i tabeli „B. RASHODI I IZDACI“ dodaju se i mijenjaju sljedeće pozicije:

A.1. Prihodi

- U dijelu Budžeta III.3. Primljeni grantovi od FBiH, iza pozicije „Primljeni transfer od Federalnog ministarstva rada i socijalne politike - prava roditelja njegovatelja“, formira se nova pozicija „Primljeni transfer od Federalnog ministarstva rada i socijalne politike "EU energetske pomoći““, ekonomski kod 732112, fond 0111, funkcija 0111, planirani iznos 4.006,75 KM. Ostale pozicije se ne mijenjaju.

B. Rashodi i izdaci

II Posebni dio

0201001 – Stručna služba Općinskog načelnika i druge nadležne općinske službe za upravu, Stručna služba za poslove Općinskog načelnika

- Pozicija „Kapitalni transfer Zavodu za planiranje (Program OV-a) – Izgradnja kuća za romsku populaciju“, ekonomski kod 615400, fond 00343, funkcija 0111, dosadašnji iznos od „50.000,00 KM“ mijenja se i glasi „19.000,00 KM“. Ostale pozicije u ovoj Službi se ne mijenjaju.

0701001 – Služba za društvene djelatnosti boračka pitanja, raseljena lica, izbjeglice i povratnike

- Pozicija „Integrirani program podrške za reintegraciju povratnika po osnovu Sporazuma o readmisiji“, ekonomski kod 613900, fond 0111, funkcija 0111, dosadašnji iznos od „3.000,00 KM“ mijenja se i glasi „8.000,00 KM“,
- Iza pozicije „Grantovi pojedincima iz Zeničko-dobojskog kantona“, ekonomski kod 614200, fond 0111, funkcija 1021, dodaje se nova pozicija „Transfer pojedincima "EU energetske pomoći““ (sredstva FMRSP)“, ekonomski kod 614200, fond 0111, funkcija 1081, u iznosu od 4.006,75 KM“,

- Pozicija „Tekući transferi pojedincima po osnovu Sporazuma o readmisiji“, ekonomski kod 614200, fond 0111, funkcija 0111, dosadašnji iznos od „3.000,00 KM“ mijenja se i glasi „500,00 KM“,
- Pozicija „Transfer neprofitnim organizacijama po osnovu Sporazuma o readmisiji“, ekonomski kod 614300, fond 0111, funkcija 0111, dosadašnji iznos od „3.000,00 KM“ mijenja se i glasi „500,00 KM“.

Ostale pozicije u ovoj Službi se ne mijenjaju.

0801001 – Služba za opću upravu, radne i zajedničke poslove, lokalnu samoupravu i mjesne zajednice

- Iza pozicije „Nabavka opreme za OIK“, ekonomski kod 821000, fond 0343, funkcija 0111, dodaje se nova pozicija „Nabavka stalnih sredstava (zemljište)“, ekonomski kod 821000, fond 0343, funkcija 0111, u iznosu od 31.000,00 KM“.

Ostale pozicije u ovoj Službi se ne mijenjaju.

Član 3.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**
Slaven Katičić

39.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-38-66/24

Kakanj, 29.02.2024. godine

Na osnovu člana 13. i 35. Zakona o principima lokalne samouprave Federacije Bosne i Hercegovine („Službene novine Federacije BiH“, broj: 49/06 i 51/09), člana 24. i 105. Statuta Općine Kakanj („Službene novine Općine Kakanj“, broj: 4/08), te člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine,

donijelo je

O D L U K U

o davanju na privremeno korištenje poslovnih prostora bez naknade

Član 1.

Daju se na privremeno korištenje poslovni prostori udruženjima i Radio Kakanju, kako slijedi:

| R/b | Adresa, k.č./k.o. | Površina/ m2 | Naziv udruženja i dr. |
|------------|---|-------------------------|--|
| 1. | Alije Izetbegovića S-1 k.č.br. 1242, k.o. Kakanj | 48,07 | Radio Kakanj d.o.o. Kakanj |
| 2. | Melente Bošnjaka P+4 k.č.br. 979/4, k.o. Kakanj | 76,84 | Udruženje penzionera i umirovljenika Općine Kakanj |
| 3. | Alije Izetbegovića S-1 k.č.br. 1242, k.o. Kakanj | 39,03 | UG Dobitnika najvećih ratnih priznanja „Zlatni ljiljan“ i „Zlatna policijska značka“ |
| 4. | Rudi Čajavec L-A k.č.br. 1049/9, k.o. Kakanj | 51,09 | Slovensko udruženje građana „Jozef Špringer“ Kakanj |
| 5. | Alije Izetbegovića S-1 k.č.br. 1242, k.o. Kakanj | 69,96 | Udruženje boračkih organizacija SUBO Općine Kakanj |
| 6. | Rudi Čajavac L-A k.č.br. 1049/9, k.o. Kakanj | 102,48 | Udruženje „Merhamet“ osnovni odbor Kakanj |
| 7. | Alije Izetbegovića L-3 k.č.br. 1363/105, k.o. Kakanj | 19,06 | Udruženje žena Općine Kakanj „UŽOK“ |

Poslovni prostori iz stava 1. ovog člana daju se na privremeno korištenje na period od 5 (pet) godina, bez naknade.

Član 2.

Budući korisnici poslovnih prostora iz člana 1. ove Odluke dužni su da plaćaju komunalne naknade, kao i usluge individualne komunalne potrošnje (usluge održavanja zajedničkih prostorija i uređaja zgrade, usluge grijanja, električne energije, vode, odvoza smeća, usluge korištenja telefona kao i internet usluge).

Član 3.

Zadužuje se Zavod za planiranje i izgradnju općine Kakanj da sačini ugovor sa Radio Kakanj i udruženjima, o privremenom korištenju poslovnih prostora iz člana 1. ove Odluke, kojim će se utvrditi prava i obaveze kako je navedeno u članu 2. ove Odluke, te da

zapisnički izvrši primopredaju nekretnina, odnosno preda na korištenje poslovne prostore.

Ugovori mogu prestati i prije ugovorenog roka zavisno od potreba vlasnika.

Član 4.

Na osnovu ove Odluke ne mogu se vršiti upisi i promjene u zemljišnim knjigama na nekretninama navedenim u članu 1. ove Odluke.

Član 5.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

PREDSJEDAVAJUĆI OPĆINSKOG VIJEĆA

Slaven Katičić

40.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-38-67/24
Kakanj, 29.02.2024. godine

Na osnovu člana 13. i 35. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. i 105. Statuta Općine

Kakanj („Službene novine Općine Kakanj“, broj: 4/08), te člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine,
donijelo je

O D L U K U o nabavci nekretnine

Član 1.

Ovom Odlukom odobrava se nabavka nekretnine na Vardi, općina Kakanj, označena kao k.č.br. 1475 k.o. Kakanj, zv. „VARDA“, dvorište površine 241 m², kuća i zgrada u površini 64 m², upisana u posjedovni list br. 976 k.o. Kakanj, u posjedu Husić (Tahir) Ešref sa dijelom 1/1, koja je harmonizovana, upisana u el.zk.ul.br. 1666 k.o. Kakanj, zemljišnoknjižno vlasništvo Husić (Tahir) Ešref sa dijelom 1/1.

Član 2.

Nekretnina označena u članu 1. ove Odluke nabavlja se radi izgradnje objekta kolektivnog stanovanja za stambeno zbrinjavanje Romske populacije-deveta zgrada.

Član 3.

Tržišna cijena vrijednosti nekretnine označene u članu 1. ove Odluke iznosi ukupno 30.500,00 KM (slovima: tridesethiljadapetstotina KM).

Član 4.

Sredstva za nabavku nekretnine označene u članu 1. Odluke izdvojiti će se iz Budžeta Općine Kakanj za 2024. godinu.

Član 5.

Ovlašćuje se Općinski načelnik da sa prodavcem Husić (Tahir) Ešrefom, u ime Općine Kakanj, zaključiti notarski obrađen ugovor o kupoprodaji nekretnine, označene u članu 1. ove Odluke po tržišnoj cijeni navedenoj u članu 3. ove Odluke, a po prethodno pribavljenom mišljenju Općinskog pravobranioca.

Član 6.

Troškove izrade notarske obrade Ugovora o kupoprodaji nekretnine, poreza na promet nekretnine, takse za provođenje i uknjižbu Ugovora, te sve ostale troškove koji se odnose na postupak kupoprodaje, snosi Općina Kakanj.

Član 7.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

41.**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON****OPĆINA KAKANJ****Općinsko vijeće****Broj:** 01/1-38-68/24**Kakanj,** 29.02.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 63. Odluke o izvršavanju Budžeta Općine Kakanj za 2024. godinu („Službene novine Općine Kakanj“, broj: 1/24) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine, **donijelo je**

PROGRAM**utroška sredstava iz Budžeta Općine Kakanj
za podsticaj razvoja
poduzetništva i obrta za 2024. godinu****1. Podaci o Programu**

Program utroška sredstava iz Budžeta Općine Kakanj za podsticaj razvoja poduzetništva i obrta za 2024. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2024. godinu sa pozicija: „Subvencije za podsticaj razvoja poduzetništva i obrta-Program OV-a“ u iznosu 500.000,00 KM, Izdaci za informisanje iz Programa „Subvencije za podsticaj razvoja poduzetništva i obrta“ u iznosu 20.000,00 KM, Ostale usluge iz Programa „Subvencije za podsticaj razvoja poduzetništva i obrta“ u iznosu 5.000,00 KM i Transfer neprofitnim organizacijama iz Programa „Subvencije za podsticaj razvoja poduzetništva i obrta“ u iznosu 45.000,00 KM, a

shodno Zakonu o izdvajanju i usmjeravanju dijela prihoda preduzeća ostvarenim radom termoelektrana („Službene novine Federacije BiH“, broj: 80/14).

2. Period realizacije Programa

Sredstva namijenjena za podsticaj razvoja poduzetništva i obrta na području općine Kakanj realizovaće se u tekućoj 2024. godini.

3. Raspoloživi iznos sredstava

570.000,00

(slovima:

petstotinasedamdesethiljada) KM.

4. Namjena Programa

- 4.1. Refundacija troškova registracije poslovnih subjekata;
- 4.2. Projekat „Pokreni svoj posao u Kakanju“;
- 4.3. Projekat „Sufinansiranje troškova zapošljavanja radnika“;
- 4.4. Regresiranje kamata za kredite odobrene u komercijalnim bankama u 2024. godini za poduzetnike i obrtnike sa područja općine Kakanj;
- 4.5. Podsticaj opstanku starih i tradicionalnih zanata i domaće radinosti;
- 4.6. Sufinansiranje projekta „Program zapošljavanja marginaliziranih kategorija društva sa područja općine Kakanj“;
- 4.7. Sufinansiranje zapošljavanja osobe za invaliditetom;
- 4.8. Nabavka stručne literature;
- 4.9. Transfer neprofitnim organizacijama iz Programa utroška sredstava iz Budžeta Općine Kakanj za podsticaj razvoja poduzetništva i obrta – finansiranje i sufinansiranje projekata nevladinih organizacija;
- 4.10. Podsticaj razvoja poduzetništva – afirmacija/promocija razvoja poduzetništva i privrede kroz pribavljanje, razvoj, produkciju i emitovanje TV i radijskih emisija;
- 4.11. Ostale usluge iz Programa utroška sredstava iz Budžeta Općine Kakanj za podsticaj razvoja poduzetništva i obrta;
- 4.12. Neisplaćeni podsticaji iz 2023. godine;
- 4.13. Rezervna sredstva.

5. Korisnici Programa

Nezaposlene osobe sa područja općine Kakanj, marginalizirane kategorija društva, novoosnovani poslovni subjekti, poslovni subjekti koji svoju djelatnost obavljaju na području općine Kakanj, JU Gradska biblioteka „Kakanj“, Udruženje žena općine Kakanj (UŽOK), Udruženje žena „TRST“ Tršće i dr.

6. Izvor sredstava

Budžet Općine Kakanj za 2024. godinu („Službene novine Općine Kakanj“, broj: 1/24) – pozicije:

- Subvencije za podsticaj razvoja poduzetništva i obrta – Program OV-a, ekonomski kod: 614500,
- Izdaci za informisanje iz Programa „Subvencije za podsticaj razvoja poduzetništva i obrta“, ekonomski kod: 613900,
- Ostale usluge iz Programa „Subvencije za podsticaj razvoja poduzetništva i obrta“ ekonomski kod 613900 i
- Transfer neprofitnim organizacijama iz Programa „Subvencije za podsticaj razvoja poduzetništva i obrta“, ekonomski kod 614300.

UVODNI DIO

U skladu sa Zakonom o podsticaju razvoja male privrede („Službene novine Federacije BiH“ broj: 19/06 i 25/09) kojim se uređuje planiranje, osiguranje sredstava i provedba mjera razvoja male privrede u Federaciji BiH, omogućeno je da lokalne zajednice mogu u svojim Budžetima izdvojiti finansijska sredstva za podsticaje. Na osnovu toga su u Budžetu Općine Kakanj za 2024. godinu odobrena sredstva za podsticaj razvoja poduzetništva i obrta.

Programom utroška sredstava iz Budžeta Općine Kakanj za podsticaj razvoja poduzetništva i obrta za 2024. godinu, Općina Kakanj nastoji:

- razviti poduzetničku svijest nezaposlenih osoba,
- povećati broj i održivost obrtničkih radnji i preduzeća - d.o.o.,
- povećati broj zaposlenih kroz samozapošljavanje i zapošljavanje,
- poboljšati socijalni i ekonomski status nezaposlenih žena sa područja općine Kakanj (pretežno ruralnog područja);
- omogućiti zapošljavanje teško zapošljivih kategorija društva.

I VRSTE I NAČIN OSTVARIVANJA PODSTICAJA

| R/b | Naziv podsticaja | | Iznos sredstva/KM |
|-----|---|---|-------------------|
| 1. | Refundacija troškova registracije poslovnih subjekata | | 25.000,00 |
| 2. | 2.1. | Projekat „Pokreni svoj posao u Kaknju“ – 110.000,00 KM | 230.000,00 |
| | 2.2. | Ugovorene obaveze prema korisnicima iz prethodnih godina – 120.000,00 | |
| 3. | 3.1. | Projekat „Sufinansiranje troškova zapošljavanja radnika“ – 83.000,00 KM | 143.000,00 |
| | 3.2. | Ugovorene obaveze prema korisnicima iz prethodnih godina – 60.000,00 KM | |
| 4. | 4.1. | Regresiranje kamata za kredite odobrene u komercijalnim bankama u 2024.godini za poduzetnike i obrtnike sa područja općine Kakanj – 7.000,00 KM | 15.000,00 |
| | 4.2. | Ugovorene obaveze prema korisnicima iz prethodnih godina – 8.000,00 KM | |
| 5. | Podsticaj opstanku starih i tradicionalnih zanata i domaće radinosti | | 17.000,00 |
| 6. | Sufinansiranje projekta „Program zapošljavanja marginaliziranih kategorija društva sa područja općine Kakanj“ (projekat „Integralni pristup ka socijalnom uključivanju“ – IASI) | | 25.000,00 |
| 7. | Sufinansiranje zapošljavanja osobe sa invaliditetom | | 10.000,00 |

| | | |
|---------------|---|-------------------|
| 8. | Nabavka stručne literature | 3.000,00 |
| 9. | Transfer neprofitnim organizacijama iz Programa utroška sredstava iz Budžeta Općine Kakanj za podsticaj razvoja poduzetništva i obrta | 45.000,00 |
| | 9.1. Sufinansiranje projekta „Ekonomsko osnaživanje žena kroz obuku krojenja, šivenja, zidnog tkanja i heklanja ukrasnih predmeta“ - 15.000,00 KM | |
| | 9.2. Sufinansiranje projekta „Šivenje ka snazi: Ekonomsko osnaživanje žena“ – 15.000,00 KM | |
| 9.3. | Sufinansiranje sajamskih aktivnosti i projekata drugih međunarodnih i nevladinih organizacijama za koje se tokom godine ukaže potreba – 15.000,00 KM | |
| 10. | Podsticaj razvoja poduzetništva – afirmacija/promocija razvoja poduzetništva i privrede kroz pribavljanje, razvoj, produkciju i emitovanje TV i radijskih emisija | 20.000,00 |
| 11. | Ostale usluge iz Programa utroška sredstava iz Budžeta Općine Kakanj za podsticaj razvoja poduzetništva i obrta | 5.000,00 |
| 12. | Neisplaćeni podsticaji | 19.213,16 |
| 13. | Rezervna sredstva | 12.786,84 |
| UKUPNO | | 570.000,00 |

1. REFUNDACIJA TROŠKOVA REGISTRACIJE POSLOVNIH SUBJEKATA

Kroz ovaj podsticaj nastoji se povećati broj i održivost preduzeća/obrta, te povećati broj zaposlenih na području općine Kakanj.

Sa ove pozicije refundiraće se troškovi registracije novoosnovanih poslovnih subjekata registrovanih na području općine Kakanj.

Pravo na podsticaj imaju fizička i pravna lica koja registruju djelatnost, osnuju firmu na području općine Kakanj u periodu od 18.12.2023. – 16.12.2024. godine (osim poslovnih subjekata koji registruju dopunsku djelatnost), nemaju obaveza po osnovu javnih prihoda i u posljednje tri godine nisu bili korisnici ovog podsticaja, kao i članovi njihove uže porodice (majka/otac, sin/kćerka, suprug/supruga).

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdato od nadležne institucije;
- obavještenje o razvrstavanju djelatnosti prema Klasifikaciji djelatnosti;

- dokaze o plaćenim taksama i troškovima registracije djelatnosti odnosno osnivanja firme (uplatnice, računi i dr.);
- dokaz o otvorenom bankovnom računu poslovnog subjekta;
- ovjerenu izjavu da podnosilac zahtjeva i članovi njegove uže porodice, u posljednje tri godine, nisu bili korisnici podsticajnih sredstava Općine namijenjenih za „Refundaciju troškova registracije poslovnih subjekata“ za istu ili sličnu djelatnost.

Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

Zahtjevi za refundaciju predmetnih troškova sa potrebnom dokumentacijom podnose se Službi za privredu, urbanizam i zaštitu okoline putem prijemne kancelarije Općine Kakanj do 16.12.2024. godine.

Refundacija troškova osnivanja trgovačkih i ugostiteljskih radnji može biti ostvarena jednom u toku 2024. godine za jedan poslovni prostor.

2. PROJEKAT „POKRENI SVOJ POSAO U KAKNJU“

namijenjenih za projekte samozapošljavanja.

2.1. Projekat „Pokreni svoj posao u Kakanju“

Realizacijom projekta „Pokreni svoj posao u Kakanju“ nastoji se razviti poduzetnička svijest kod mladih i ostalih nezaposlenih osoba, povećati broj registrovanih poslovnih subjekata i održivog samozapošljavanja na područja općine Kakanj.

Ovim podsticajem predviđeno je sufinansiranje pokretanja i održavanje malih biznisa registrovanih u osnovnoj djelatnosti kroz registraciju obrta i srodnih djelatnosti (osim poljoprivrede), profesionalnih djelatnosti, djelatnosti pripreme i usluživanja hrane, preduzeća (d.o.o.).

Korisnici podsticajnih sredstava mogu biti:

- mlade nezaposlene osobe do 35 godina starosti, prijavljene na evidenciju Biroa za zapošljavanje Kakanj prije objave javnog poziva, a koje u tekućoj godini registruju djelatnost ili su registrovali djelatnost nakon okončanja javnog poziva za ovaj Projekat u 2023. godini;
- ostale nezaposlene kategorije društva, starosne dobi preko 35 godina, prijavljene na evidenciju Biroa za zapošljavanje Kakanj prije objave javnog poziva, a koje u tekućoj godini registruju djelatnost ili su registrovali djelatnost nakon okončanja javnog poziva za ovaj Projekat u 2023. godini.

Gore navedena lica moraju ispunjavati i sljedeće uslove:

- da imaju prebivalište na području općine Kakanj;
- da nemaju duga po osnovu javnih prihoda;
- da do sada nisu bili korisnici podsticajnih sredstava namijenjenih za ovaj Projekat, kao i članovi njihove uže porodice (majka/otac, sin/kćerka, suprug/supruga);
- da članovi njihove uže porodice nemaju i nisu imali registrovanu istu ili sličnu djelatnost za koju apliciraju (izuzev u opravdanim slučajevima odjave djelatnosti: penzionisanje člana porodice, nemogućnost obavljanja djelatnost zbog određenih poteškoća npr. invalidnost i sl.);
- da nisu korisnici podsticajnih sredstava drugih institucija

Projekat obuhvaća sljedeće aktivnosti:

- objavljivanje Javnog poziva;
- apliciranje zainteresiranih kandidata;
- razmatranje i obrada pristiglih prijava (odabir);
- registracija djelatnosti (lica koja nisu registrovala djelatnost);
- potpisivanje Ugovora o realizaciji Projekta sa odabranim korisnicima;
- isplata odobrenog iznosa sredstava za sufinansiranje troškova pokretanja i održavanja vlastitog biznisa;
- monitoring.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- biznis plan (prijavni obrazac);
- izvod iz matične knjige rođenih;
- uvjerenje da se lice nalazi na evidenciji Biroa za zapošljavanje Kakanj;
- rješenje o registraciji djelatnosti (ukoliko je firma registrovana);
- obavještenje o razvrstavanju djelatnosti prema Klasifikaciji djelatnosti (ukoliko je firma registrovana);
- ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 24 mjeseca od dana potpisivanja ugovora o realizaciji projekta „Pokreni svoj posao u Kakanju“;
- ovjerenu izjavu da podnosilac zahtjeva i članovi njegove uže porodice nisu bili korisnici podsticajnih sredstava Općine namijenjenih za projekat „Pokreni svoj posao u Kakanju“;
- ovjerenu izjavu da članovi uže porodice podnosioca zahtjeva nemaju i nisu imali istu ili sličnu registrovanu djelatnost (izuzev u opravdanim slučajevima odjave djelatnosti: penzionisanje člana porodice, nemogućnost obavljanja djelatnost zbog određenih poteškoća npr. invalidnost i sl.);
- ovjerenu izjavu da podnosilac zahtjeva nije korisnik podsticajnih sredstava drugih institucija namijenjenih za projekte samozapošljavanja.

Biznis plan/prijavni obrazac će sadržati sljedeće podatke:

- lične podatke o podnosiocu prijave (ime i prezime, adresu, telefon, e-mail, stručnu spremu, zanimanje, naziv poslovne ideje i sl.);
- kratak opis poslovne ideje;
- plan finansijskih troškova poslovne ideje (specifikaciju troškova, iznose i izvore finansiranja).

Komisija će nakon pristiglih prijava obaviti intervju sa prijavljenim kandidatima i sačiniti listu odabranih korisnika. Odabrani kandidati će nakon što registruju djelatnost (za lica koja nisu registrovana) potpisati ugovor sa Općinom.

Projekat će se realizovati tokom godine do utroška sredstava.

Podsticaj za mlade nezaposlene osobe starosne dobi do 35 godina

Podsticajna sredstva sa ove pozicije namijenjena su za mlade nezaposlene osobe, starosne dobi do 35 godina (navršeni u trenutku objave poziva) - početnike u biznisu, prijavljene na evidenciju Biroa za zapošljavanje prije objave javnog poziva.

Općina Kakanj će korisnicima sredstava sa kojim zaključi ugovor o realizaciji Projekta dodijeliti podsticajna sredstva namijenjena za:

1. refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 524,00 KM/mjesec, druga godina 50%, a maksimalno 262,00 KM/mjesec);
2. sufinansiranje troškova nabavke mašina, opreme, zakupa poslovnog prostora i repromaterijala potrebnih za obavljanje registrovane djelatnosti. Minimalan iznos koji može biti dodijeljen korisniku je 3.000,00 KM, a maksimalan 5.000,00 KM. Navedeni iznos će biti dodijeljen prema planu finansijskih troškova poslovne ideje koju će korisnici biti obavezni dostaviti uz prijavu na javni poziv i u zavisnosti od opravdanosti troškova potrebnih za registrovanu djelatnost što će ocjeniti Komisija za odabir korisnika podsticajnih sredstava.

Iznos utrošen za nabavku repromaterija i sufinansiranje troškova zakupa poslovnog prostora ne može biti veći od 1.000,00 KM.

Podsticaj za ostale nezaposlene kategorije starosne dobi preko 35 godina

Podsticajna sredstva sa ove pozicije namijenjena su za nezaposlene osobe, starosne dobi preko 35 godina, prijavljene na evidenciju Biroa za zapošljavanje prije objave javnog poziva.

Podsticajna sredstva namijenjena su za:

1. refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 524,00 KM/mjesec, druga godina 50%, a maksimalno 262,00 KM/mjesec);
2. sufinansiranje troškova nabavke opreme, zakupa poslovnog prostora i repromaterijala potrebnih za obavljanje registrovane djelatnosti. Minimalan iznos koji može biti dodijeljen korisniku je 1.500,00 KM, a maksimalan 3.000,00 KM. Navedeni iznos će biti dodijeljen prema planu finansijskih troškova poslovne ideje koju će korisnici biti obavezni dostaviti uz prijavu na javni poziv i u zavisnosti od opravdanosti troškova potrebnih za registrovanu djelatnost što će ocjeniti Komisija za odabir korisnika podsticajnih sredstava.

Iznos utrošen za nabavku repromaterija i sufinansiranje troškova zakupa poslovnog prostora ne može biti veći od 1.000,00 KM.

2.2. Ugovorene obaveze prema korisnicima iz prethodnih godina

Shodno ugovorenim obavezama prema korisnicima podsticajnih sredstava „Pokreni svoj posao u Kaknju“ iz 2022. i 2023. godine (refundacija troškova obaveznih doprinosa i sufinansiranje nabavke sredstava za rad, repromaterijal, opremu i sl., za registrovanu djelatnost) sa ove pozicije će se isplaćivati podsticajna sredstva za 47 korisnika sa kojima su potpisani ugovori u 2022. i 2023. godini, te za 8 korisnika projekta Podrška marginaliziranim grupama žena u razvoju biznisa (projekat samozapošljavanja koji su realizovali USAID i Općina Kakanj).

3. PROJEKAT „SUFINANSIRANJE TROŠKOVA ZAPOŠLJAVANJA RADNIKA“

3.1. Projekat „Sufinansiranje troškova zapošljavanja radnika“

Podsticajna sredstva sa ove pozicije namijenjena su za sufinansiranje zapošljavanja nezaposlenih osoba, prijavljenih na evidenciju Biroa za zapošljavanje, kod poslovnih subjekata sa područja općine Kakanj.

Pravo na dodjelu podsticajnih sredstava imaju poslovni subjekti koji ispunjavaju sljedeće uslove:

- imaju sjedište i djelatnost obavljaju na području općine Kakanj;
- djelatnost koju obavljaju nije iz oblasti trgovine, ugostiteljstva i priređivanja igara na sreću;
- redovno izmiruje obaveze po osnovu poreza i doprinosa;
- nisu koristili podsticajna sredstva Općine namijenjena za ovaj Projekat u 2022. i 2023. godini;
- u skladu sa Zakonom o radu zaključe ili su u tekućoj godini zaključili ugovor o radu sa osobom koja se prethodno nalazila na evidenciji Biroa za zapošljavanje Kakanj najmanje 3 mjeseca;
- da u posljednjih 6 mjeseci nisu smanjivali broj radnika osim u slučaju opravdanih razloga (penzionisanje, otkaz za zahtjev radnika i sl.).

Poslovnom subjektu koji zaposli nezaposlenu osobu, na poslove prema odgovarajućoj stručnoj spremi, a u skladu sa registrovanom djelatnošću, na period od 12 mjeseci, biće dodijeljen podsticaj u ukupnom iznosu 6.000,00 KM, uz obavezu da istog radnika zadrži u radnom odnosu dodatnih 12 mjeseci.

Podsticajna sredstva će se uplaćivati kvartalno (refundacijski) po dostavljanju zahtjeva za isplatu i dokaza o utroška sredstava za period za koji se traže podsticajna sredstva.

Poslovnom subjektu se po Programu mogu odobriti podsticajna sredstva za zapošljavanje maksimalno 2 (dva) radnika.

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji djelatnosti;

- obavještenje o razvrstavanju djelatnosti prema Klasifikaciji djelatnosti;
- uvjerenje o izmirenim obavezama po osnovu PDV-a (ukoliko podnosilac zahtjeva nije u sistemu PDV-a dostavlja izjavu ovjerenu kod nadležnog općinskog organa);
- ovjerenu izjavu:
 - da neće (ponovo) zaposliti osobu koju je otpustio u prethodnih 6 mjeseci;
 - da će zadržati postojeći broj radnika uvećan za broj primljenih radnika;
 - da u posljednjih 6 mjeseci nije smanjivao broj radnika.
- broj tekućeg računa kod poslovne banke;
- obrazac JS3100 za prijavljene novouposlene radnike uz dokaz da se lice do momenta zapošljavanja nalazilo na evidenciji Biroa za zapošljavanja (poslovni subjekti koji tek planiraju zapošljavati radnike, navedenu dokumentaciju će naknadno dostaviti).

Projekat će biti realiziran tokom godine do utroška sredstava.

3.2. Ugovorene obaveze prema korisnicima iz prethodnih godina

Sa ove pozicije isplatiće se podsticajna sredstva za 29 poslovnih subjekata koji zapošljavaju 44 radnika sa kojima su u 2023. godini potpisani ugovori o realizaciji projekta „Sufinansiranje troškova zapošljavanja radnika u skladu sa potrebama poduzetnika i obrtnika sa područja općine Kakanj“.

4. REGRESIRANJE KAMATA ZA KREDITE ODOBRENE U KOMERCIJALNIM BANKAMA U 2024. GODINI ZA PODUZETNIKE I OBRТNIKE SA PODRUČJA OPĆINE KAKANJ

4.1. Regresiranje kamata za kredite odobrene u komercijalnim bankama u 2024. godini za poduzetnike i obrtnike sa područja općine Kakanj

Regresiranje kamata za kredite odobrene u komercijalnim bankama u 2024. godini namijenjeno je za poduzetnike i obrtnike sa područja općine Kakanj (izuzev djelatnosti iz oblasti trgovine i ugostiteljstva) i to isključivo za kredite korištene radi ulaganja u registrovanu

djelatnost korisnika kredita (osim leasinga, revolving kredita i kontokorentnog kredita).

Na ovaj način se regresiraju kamate za kredite odobrene u komercijalnim bankama u 2023. godini za poduzetnike i obrtnike sa područja općine Kakanj i to isključivo za kredite odobrene radi ulaganja u registrovanu djelatnost korisnika kredita.

Ovom vrstom podsticaja Općina Kakanj će poduzetnicima i obrtnicima sa područja općine Kakanj, koji redovno izmiruju obaveze po osnovu poreza i doprinosa, regresirati uplaćene kamate za kredite odobrene u komercijalnim bankama. Za kredite od 5.000,00 KM – 50.000,00 KM Općina će refundirati kamate u iznosu 100%, a za kredite od 50.000,00 KM – 100.000,00 KM u iznosu 50% od ukupno uplaćenih kamata. Kamata se regresira na godišnjem nivou. Maksimalna nominalna kamatna stopa koja se regresira iznosi do 8%, a period otplate kredita je do 5 godina. Općina Kakanj se obavezuje da će korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Ukoliko podnosilac zahtjeva realizuje dva ili više kredita ima pravo na refundaciju troškova kamata za zbir odobrenog kredita do 100.000,00 KM pod gore navedenim uslovima.

Za ostvarivanje predmetnog podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji djelatnosti;
- obavještenje o razvrstavanju djelatnosti prema Klasifikaciji djelatnosti;
- uvjerenje o izmirenim obavezama po osnovu PDV-a (ukoliko podnosilac zahtjeva nije u sistemu PDV-a dostavlja izjavu ovjerenu kod nadležnog općinskog organa);
- ugovor s bankom sa anuitetnim planom otplate kredita iz kojeg je jasno vidljiva namjena odobrenih kreditnih sredstava (nabavka trajnih obrtnih sredstava, mašina i opreme);
- potvrdu banke o redovnoj otplati kredita, sa obaveznim pregledom obračunatih i uplaćenih kamata za period za koji se regresira kamata;
- dokaz o utrošku kreditnih sredstava (kao dokaz se prihvata: račun, faktura, ugovor).

Zahtjevi za regresiranje kamata za kredite odobrene u komercijalnim bankama u 2024. godini sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj, najkasnije do 29.11.2024. godine.

Pravo na dodjelu podsticajnih sredstava nemaju poslovni subjekti koji sa Općinom Kakanj trenutno imaju zaključen ugovor o regresiranju kamata za kredite iz prethodnih godina.

4.2. Ugovorene obaveze prema korisnicima iz prethodnih godina

Podsticajna sredstva sa ove pozicije namijenjena su za refundaciju kamata za kredite odobrene u komercijalnim bankama za 8 poduzetnika sa područja općine Kakanj koji su u proteklim godinama ostvarili pravo na predmetni podsticaj.

5. PODSTICAJ ZA OPSTANAK STARIH I TRADICIONALNIH ZANATA I DOMAĆE RADINOSTI

Podsticaj se provodi u svrhu očuvanja i poboljšanja uslova rada obrtničkih djelatnosti i djelatnosti koje su srodne obrtničkim, a koje se mogu obavljati kao domaća radinost te stari i tradicionalni zanati.

Pravo na dodjelu podsticajnih sredstava imaju obrtnici koji obavljaju stare i tradicionalne zanate i djelatnosti koje se mogu obavljati kao domaća radinost a nalaze se na popisu djelatnosti koje se kao takve mogu obavljati, imaju sjedište na području općine Kakanj, najmanje 1 (jednog) zaposlenog (osnovna djelatnost) i nemaju duga po osnovu javnih prihoda.

Pravo na dodjelu podsticajnih sredstava nemaju poslovni subjekti koji trenutno imaju zaključen ugovor o realizaciji projekta Pokreni svoj posao u Kakanju.

Općina Kakanj će korisnicima podsticajnih sredstava jednokratno isplatiti iznos do 1.000,00 KM. Odobrena podsticajna sredstava se mogu utrošiti na troškove obaveznih doprinosa, zakup ili uređenje poslovnog prostora te druge potrebne troškove za koje Komisija za odabir korisnika podsticajnih sredstava ocjeni da je u okvirima potreba za registrovanu djelatnost.

Zainteresovani uz prijavu na Javni poziv dostavljaju sljedeću dokumentaciju (original ili ovjerene kopije):

- zahtjev;
- rješenje o registraciji firme;
- obavještenje o razvrstavanju djelatnosti prema Klasifikaciji djelatnosti;
- uvjerenje Porezne uprave Federacije BiH o broju zaposlenih/listu osiguranih osoba za obveznika,
- rješenje o plaćanju poreza u paušalnom iznosu ili drugi dokaz o plaćanju poreza u paušalnom iznosu izdat od Porezne uprave Federacije BiH.

Korisnik sredstava je dužan pravdati odobreni iznos podsticajnih sredstava odgovarajućom dokumentacijom.

6. SUFINANSIRANJE PROJEKTA „PROGRAM ZAPOŠLJAVANJA MARGINALIZIRANIH KATEGORIJA DRUŠTVA SA PODRUČJA OPĆINE KAKANJ“

Općina Kakanj je sa Caritas-om Švicarske i Asocijacijom Centar za podršku Roma-Romalen Kakanj, potpisala Memorandum o razumijevanju (MoR) za realizaciju projekta „Integralni pristup ka socijalnom uključivanju“ (IASI). Jedan od ciljeva Projekta je zapošljavanje marginaliziranih kategorija društva sa područja općine Kakanj.

Realizacija Programa zapošljavanje marginaliziranih kategorija društva obuhvata sljedeće aktivnosti:

- identifikacija marginaliziranih kategorija radne snage;
- izrada kriterija za odabir poslodavaca i korisnika (zaposlenika);
- izrada javnih poziva i prijava za učešće u programu za fizička lica i poslodavce;
- odabir poslodavaca i korisnika.

Gore navedene aktivnosti provest će Komisija imenovana rješenjem Općinskog načelnika. Iznos sredstva je opredijeljen u skladu sa gore navedenim Memorandumom.

7. SUFINANSIRANJE ZAPOŠLJAVANJA OSOBE SA INVALIDITETOM

Na području općine Kakanj djeluje subjekti koji upošljavaju osobe sa invaliditetom, tako da osobe sa invaliditetom sa prebivalištem na području općine Kakanj imaju mogućnost poslove obavljati u svojoj općini, čime bi izbjegli probleme prijevoza odlaska i dolaska na posao. Sa ove pozicije planirano je sufinansiranje zapošljavanja radnika zaposlenog u takvim subjektima za period 6 mjeseci.

8. NABAVKA STRUČNE LITERATURE

Podsticajna sredstva sa ove pozicije namijenjena su za nabavku stručne literature iz oblasti poduzetništva i poljoprivrede.

9. TRANSFER NEPROFITNIM ORGANIZACIJAMA IZ PROGRAMA UTROŠKA SREDSTAVA IZ BUDŽETA OPĆINE KAKANJ ZA PODSTICAJ RAZVOJA PODUZETNIŠTVA I OBRTA – FINANSIRANJE I SUFINANSIRANJE PROJEKATA NEVLADINIH ORGANIZACIJA;

9.1. Finansiranje projekta „Ekonomsko osnaživanje žena kroz obuku krojenja, šivenja, zidnog tkanja i heklanja ukrasnih predmeta“

Projekat će se realizovati u saradnji sa Udruženjem žena općine Kakanj (UŽOK), a ima za cilj da poboljša socijalni i ekonomski status nezaposlenih žena (pretežno ruralnog područja), kako bi lakše pronašle posao, povećale kućni budžet i u određenoj mjeri osigurale materijalnu nezavisnost.

Projekat obuhvata sljedeće aktivnosti:

- pripremna faza:
(uspostava kontakta sa zainteresovanim kandidatkinjama, definisanje i priprema prostora, vremena i mjesta održavanja obuke, dogovori sa instruktorima i saradnicima na projektu, kontakti sa lokalnim medijima i sl.);
- faza realizacije:
(odvijaće se u tri faze: 1. Obuka krojenja i šivenja; 2. Obuka zidnog tkanja; 3. Obuka heklanja ukrasnih predmeta. Svaka žena će proći obuku od 200 sati – 100 sati krojenja i šivanje, 50 sati zidni tkalački stan

i 50 sati obuka heklanja ukrasnih predmeta).

Realizacija Projekta planirana je tokom godine u trajanju od cca 3 mjeseca, a obuhvatiće cca 20 zainteresovanih žena sa područja općine Kakanj.

Odobrena sredstava za realizaciju Projekta se mogu koristiti za nabavku repromaterijala, plaćanje troškova predavača/edukatora, zakup prostora, režijske troškove, medijsku kampanju i druge slične troškove nastale u toku realizacije Projekta. Sredstva za realizaciju Projekta će se uplaćivati fazno po dostavljanju zahtjeva za uplatu, a UŽOK će po okončanju obuke Općini Kakanj dostaviti izvještaj o utrošku sredstava.

Za realizaciju ovog Projekta potrebna su sredstva u iznosu 15.000,00 KM.

9.2. Finansiranje projekta „Šivenje ka snazi: Finansijsko osnaživanje žena“

Projekat će se realizovati u saradnji sa Udruženjem žena „Trst“ Tršće a ima za cilj unaprijediti kvalitet života žena iz ruralnih područja.

Realizacija Projekta će trajati 3 mjeseca, a održaće se u prostorijama mjesnog ureda Tršće.

Projekat će obuhvatiti sljedeće aktivnosti:

1. Pripremne aktivnosti (dogovor sa zainteresovanim kandidatkinjama, edukatorima, nabavka potrebne opreme i repromaterijala);
2. Obuka krojenja, šivenja i veza novih predmeta;
3. Obuka dekupaž tehnike.

U ovom Projektu će učestvovati 27 žena.

Obuku krojenja, šivenja i veza bi pohađala grupa od 15 žena – obuka će trajati 40 sati, dok bi na obuci za dekupaž tehniku učestvovalo 12 žena – obuka će također trajati 40 sati.

Podsticajna sredstva za ove pozicije namijenjena su za:

- Promociju privrednih subjekata korisnika podsticajnih programa Općine Kakanj (TV i radijska promocija i Web portali);
- Izrada i štampanje promotivnih materijala općine Kakanj;
- Produkciju i emitovanje TV i radijskih emisija;

Odobrena sredstava za realizaciju Projekta se mogu koristiti za nabavku opreme i repromaterijala, plaćanje troškova predavača/edukatora, medijsku kampanju i druge slične troškove nastale u toku realizacije Projekta.

Sredstva za realizaciju Projekta će se uplaćivati fazno po dostavljanju zahtjeva za uplatu, a Udruženje „TRST“ će po okončanju obuke Općini Kakanj dostaviti izvještaj o utrošku sredstava.

Za realizaciju ovog Projekta potrebna su sredstva u iznosu 15.000,00 KM

9.3. Sufinansiranje sajamskih aktivnosti i projekata u saradnji sa drugim međunarodnim i nevladinom organizacijama

Podsticajna sredstva sa ove pozicije su namijenjena za finansiranje i sufinansiranje učešća na sajmovima poduzetnika i obrtnika sa područja općine Kakanj kao i sajamske aktivnosti koje se budu dešavale na području općine Kakanj.

Sa ove pozicije će se sufinansirati i projekti međunarodnih i nevladinih organizacija iz oblasti poduzetništva za koje se tokom godine ukaže potreba, a koji imaju za cilj uspostavu povoljnijeg poslovnog okruženja, održivi ekonomski razvoj, modernizaciju poduzetništva i sl.

Za ovu poziciju opredijeljena su sredstva u iznosu 15.000,00 KM.

10. PODSTICAJ RAZVOJA PODUZETNIŠTVA – AFIRMACIJA/PROMOCIJA RAZVOJA PODUZETNIŠTVA I PRIVREDE KROZ PRIBAVLJANJE, RAZVOJ, PRODUKCIJU I EMITOVANJE TV I RADIJSKIH EMISIJA

- Obavještenja, prilozi, javni pozivi i afirmacija poduzetničke svjesti kroz informisanje o aktivnostima i realizaciji Programa podsticaja i druge slične aktivnosti.

11. OSTALE USLUGE IZ PROGRAMA PROGRAMA UTROŠKA SREDSTAVA IZ BUDŽETA OPĆINE

KAKANJ ZA PODSTICAJ RAZVOJA PODUZETNIŠTVA I OBRTA

Sa pozicije »Ostale usluge iz Programa „Subvencije za podsticaj razvoja poduzetništva i obrta« platiće se usluge iz oblasti poduzetništva i obrta za koje se tokom godine ukaže potreba, a koje nisu predviđene Programom (fakture).

12. NEISPLAĆENI PODSTICAJI IZ 2023. GODINE

Zbog slabog priliva naknada od rada TE podsticaji u iznosu 19.213,16 KM nisu isplaćeni u 2023. godini i isplatiće se iz Programa utroška sredstava iz Budžeta Općine Kakanj za podsticaj razvoja poduzetništva i obrta za 2024. godinu.

13. REZERVNA SREDSTVA

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, sufinansiranje projekata iz oblasti poduzetništva koji nisu predviđeni Programom a za koje se u toku godine ukaže potreba, u skladu sa utvrđenim kriterijima ovog Programa (transferi).

Realizacija – do kraja decembra tekuće godine.

Napomena:

Jedan aplikant može ostvariti pravo na podsticaj maksimalno sa 2 pozicije. Prednost pri odabiru korisnika općinskih podsticajnih sredstava imaju oni podnosioci zahtjeva koji prethodnih godina nisu bili korisnici istog.

Pravo na dodjelu poticajnih sredstava iz ovog Programa ne mogu ostvariti poslovni subjekti koji nisu opravdali dodijeljena poticajna sredstva prethodnih godina.

II ZAVRŠNI DIO

Isplata podsticajnih sredstava će se obaviti na transakcijski račun korisnika otvoren kod poslovnih banaka.

Ukoliko se planirani iznos sredstava za određenu vrstu podsticaja iz objektivnih razloga u cjelosti ili djelimično ne bude utrošen, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena

neutrošena sredstva usmjeriti na realizaciju drugih podsticaja iz ovog Programa.

Služba za privredu, urbanizam i zaštitu okoline Općine Kakanj će na kraju budžetske godine sačiniti Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2024. godinu, te isti dostaviti Općinskom vijeću na razmatranje i usvajanje.

**PREDSJEDAVAJUĆI
OPĆINSKOG VIJEĆA**
Slaven Katičić

**42.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

**Broj: 01/1-38-69/24
Kakanj, 29.02.2024. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 63. Odluke o izvršavanju Budžeta Općine Kakanj za 2024. godinu („Službene novine Općine Kakanj“, broj: 1/24) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine, **donijelo je**

**PROGRAM
utroška sredstava iz Budžeta Općine Kakanj
za podsticaje
u poljoprivredi za 2024. godinu**

1. Podaci o Programu

Program utroška sredstava iz Budžeta Općine Kakanj za podsticaje u poljoprivredi za 2024. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2024. godinu sa pozicija: „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“, „Poljoprivredni materijal iz Programa

podsticaja poljoprivrednoj proizvodnji“, „Unajmljivanje opreme iz Programa podsticaja poljoprivrednoj proizvodnji“, „Ugovori o djelu iz Programa podsticaja poljoprivrednoj proizvodnji“, „Transfer neprofitnim organizacijama iz Programa podsticaja poljoprivrednoj proizvodnji“, „Transferi pojedincima iz Programa utroška sredstava za podsticaje u poljoprivredi za 2024. godinu“ i „Izdaci za informisanje iz Programa poticaja poljoprivrednoj proizvodnji“.

2. Period realizacije Programa

Isplata podsticaja se odnosi na poljoprivrednu proizvodnju koja će se realizirati u periodu od 01.01.- 31.12.2024. godine.

3. Raspoloživi iznos sredstava

539.250,00

(petstotinatridesevethiljadadvijestotinepedeset i 00/100) KM.

4. Namjena programa

- Podsticaji u poljoprivrednoj proizvodnji (animalna i biljna proizvodnja),
- Ostale vrste podsticaja,
- Ostale usluge, poljoprivredni materijal, unajmljivanje opreme, ugovori o djelu, transferi neprofitnim organizacijama, transferi pojedincima i izdaci za informisanje.

5. Korisnici programa

Poljoprivredni proizvođači, Savez udruženja poljoprivrednih proizvođača „KAP“ Kakanj, udruženja poljoprivrednih proizvođača sa područja općine Kakanj i druga fizička i pravna lica.

6. Izvor sredstava

- Budžet Općine Kakanj za 2024. godinu, pozicije:
- „Podsticaj poljoprivrednoj proizvodnji“, ekonomski kod 614500,
 - „Ostale usluge iz Programa podsticaja poljoprivrednoj proizvodnji“, ekonomski kod 613900,

- „Poljoprivredni materijal iz Programa podsticaja poljoprivrednoj proizvodnji“, ekonomski kod 613441,
- „Unajmljivanje opreme iz Programa podsticaja poljoprivrednoj proizvodnji“, ekonomski kod 613600,
- „Ugovori o djelu iz Programa podsticaja poljoprivrednoj proizvodnji“, ekonomski kod 613900 i 613980,
- „Transfer neprofitnim organizacijama iz Programa podsticaja poljoprivrednoj proizvodnji“, ekonomski kod 614300,
- „Transfer pojedincima iz Programa utroška sredstava za podsticaje u poljoprivredi za 2024. godinu“, ekonomski kod 614200,
- „Izdaci za informisanje iz Programa podsticaja poljoprivrednoj proizvodnji“, ekonomski kod 613900.

UVOD

Programom utroška sredstava iz Budžeta Općine Kakanj namijenjenim za podsticaje u oblasti poljoprivrede za 2024. godinu, Općina Kakanj nastoji stvoriti što povoljnije uslove za intenzivniji razvoj poljoprivredne proizvodnje, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, podsticati organizovanu i kooperativnu proizvodnju i plasman tržišnih viškova poljoprivrednih proizvoda i na taj način omogućiti poljoprivrednim proizvođačima da se isključivo usmjere na proizvodnju, odnosno na kvalitet i kvantitet svojih proizvoda.

Pored ovog cilja postoje i drugi specifični ciljevi Programa, a to su:

- formiranje porodičnih gazdinstava,
- (1) osposobljavanje tržišno orjentisanih proizvođača,
- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- mogućnost samozapošljavanja.

Članom 26. Zakona o poljoprivredi („Službene novine Federacije BiH“, broj: 88/07, 04/10, 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Kakanj za 2024. godinu odobreno 539.250,00 KM za podsticaje u oblasti poljoprivrede, što predstavlja

kontinuirano izdvajanje iz ukupnog Budžeta Općine za poljoprivredu na području općine Kakanj.

Program utroška sredstava iz Budžeta Općine Kakanj za podsticaje u poljoprivredi za 2024. godinu podrazumijeva jednokratne isplate za stimulisanje animalne i biljne proizvodnje te ostale vrste podsticaja (podsticaj udruženjima poljoprivrednih proizvođača sa područja općine Kakanj, izvještajno prognozni poslovi, edukacije poljoprivrednih proizvođača, medijsko predstavljanje poljoprivrede na području općine Kakanj, organizovani odlazak poljoprivrednika na sajmove, studijske posjete, godišnja obuka polj.savjetodavca i dr.).

Nakon usvajanja Programa podsticaja od strane Općinskog vijeća, Služba za privredu, urbanizam i zaštitu okoline će u saradnji sa Savezom poljoprivrednih udruženja „KAP“ Kakanj i sredstvima javnog informisanja obavijestiti poljoprivredne proizvođače o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

Pri izradi Programa za 2024. godinu imalo se u vidu sljedeće:

- raspoložive resurse na području općine Kakanj,
- kontinuitet podsticajnih mjera i iskustva u realizaciji novčanih podsticaja prethodnih godina,
- analiza Pravilnika o načinu i uslovima ostvarenja novčane podrške po modelu podsticaja proizvodnji („Službene novine Federacije BiH“, broj: 32/17, 55/17, 56/18, 24/20, 32/21, 46/22, 54/23, 74/23),
- analiza Programa novčanih podsticaja u poljoprivredi Vlade ZE-DO kantona za 2023. godinu,
- sugestije učesnika u sektoru poljoprivrede (Savez poljoprivrednih udruženja „KAP“ Kakanj, ostala udruženja, otkupljivači poljoprivrednih proizvoda, međunarodne organizacije koje učestvuju u sufinansiranju i dr.),
- iznos odobrenih sredstava u Budžetu Općine Kakanj za tekuću godinu i dr.

Na osnovu gore navedenog sačinjen je Program utroška novčanih sredstava sa pozicija: „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“,

„Poljoprivredni materijal iz Programa podsticaja poljoprivrednoj proizvodnji“, „Unajmljivanje opreme iz Programa podsticaja poljoprivrednoj proizvodnji“, „Ugovori o djelu iz Programa podsticaja poljoprivrednoj proizvodnji“, „Transfer neprofitnim organizacijama iz Programa podsticaja poljoprivrednoj proizvodnji“, „Transferi pojedincima iz Programa utroška sredstava za podsticaje u poljoprivredi za 2024. godinu“ i „Izdaci za informisanje iz Programa poticaja poljoprivrednoj proizvodnji“, odobrenih u Budžetu Općine Kakanj za 2024. godinu.

I NAČIN OSTVARIVANJA PODSTICAJA

Novčane podsticaje u primarnoj poljoprivrednoj proizvodnji mogu ostvariti poljoprivredni proizvođači (nosioci poljoprivrednih gazdinstava), pravna lica, zadruge, Savez poljoprivrednih udruženja „KAP“ Kakanj, udruženja poljoprivrednih proizvođača sa područja općine Kakanj, koji su upisani u Registar poljoprivrednih gazdinstava i registar klijenata, te Registar pčelara i pčelinjaka FBiH u Općini Kakanj, da su obavili ažuriranje podataka u 2024. godini do predviđenog roka po Pravilniku o upisu u Registar poljoprivrednih gazdinstava i registar klijenata (do 31.03.2024. godine) i Pravilniku o upisu u Registar pčelara i pčelinjaka FBiH (do 15.05.2024. godine) i da obavljaju poljoprivrednu proizvodnju na području općine Kakanj, te da ispunjavaju i ostale neophodne uslove.

Nakon objavljenog javnog poziva, zahtjev sa neophodnom dokumentacijom u predviđenom roku se podnosi na prijemnu kancelariju Općine Kakanj.

Nakon provjere i obrade dostavljene dokumentacije, Komisija za podsticaje na terenu utvrđuje činjenično stanje i sačinjava Zapisnik, te za one kandidate koji ispunjavaju propisane kriterije obračunava visinu novčanih podsticaja i dostavlja Službi za finansije, koja odobreni iznos podsticajnih sredstava uplaćuje na tekući račun korisnika, otvoren kod poslovnih banaka.

Ukoliko Komisija za podsticaje zapisnikom utvrdi da podnosilac zahtjeva ne ispunjava kriterije za ostvarivanje podsticaja, isti se pismeno obavještava i predmet se arhivira.

II SVRHA PROGRAMA

Svrha Programa je:

- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- povećanje obradivih površina,
- povećanje obima poljoprivredne proizvodnje,
- zadovoljavanje potreba domaćeg tržišta vlastitim proizvodima,
- ruralni razvoj,
- samozapošljavanje u porodičnom domaćinstvu i sl.

III IZNOS SREDSTAVA I VRSTA PODSTICAJA SA KRITERIJIMA

Novčana sredstva odobrena u Budžetu Općine Kakanj za 2024. godinu iznose 539.250,00 KM, na pozicijama: „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“, „Poljoprivredni materijal iz Programa podsticaja poljoprivrednoj proizvodnji“, „Unajmljivanje opreme iz Programa podsticaja poljoprivrednoj proizvodnji“, „Ugovori o djelu iz Programa podsticaja poljoprivrednoj proizvodnji“, „Transferi neprofitnim organizacijama iz Programa podsticaja poljoprivrednoj proizvodnji“, „Transferi pojedincima iz Programa utroška sredstava za podsticaje u poljoprivredi za 2024. godinu“ i „Izdaci za informisanje iz Programa poticaja poljoprivrednoj proizvodnji“.

Sredstva se raspoređuju u više oblasti poljoprivrede i druge namjene, a u skladu sa Programom utroška sredstava i razvrstana su u tri modela:

- A) Podsticaji u poljoprivrednoj proizvodnji (animalna i biljna proizvodnja),
- B) Ostale vrste podsticaja,
- C) Ostale usluge, poljoprivredni materijal, unajmljivanje opreme, ugovori o djelu, transferi neprofitnim organizacijama, transferi pojedincima i izdaci za informisanje.

A) PODSTICAJI U POLJOPRIVREDNOJ PROIZVODNJI

A/1 Podsticaj za animalnu proizvodnju

- 1.1. Podsticaj za predate-otkupljene

- količine svježeg kravljeg mlijeka za IV kvartal 2023, I, II i III kvartal 2024. godine (organizovani otkup),
- 1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka,
2. Podsticaj za rasplodne krmače,
3. Podsticaj za pčelarstvo,
4. Podsticaj za zdravstvenu zaštitu goveda u sistemu krava – tele,
5. Podsticaj za zaštitu i uzgoj izvorne pasmine goveda – Buše.

A/2 Podsticaj za biljnu proizvodnju

1. Podsticaj za plasteničku i stakleničku proizvodnju,
2. Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (proljetna i jesenska obrada zemljišta),
3. Podsticaj za održavanje intenzivnih zasada visokostablašica (jabučasto, koštičavo i jezgrasto voće),
4. Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka,
5. Podsticaj za predate-otkupljene količine voća i povrća (jagodasto voće, voće visokostablašica, kornišoni i ostalo povrće (organizovani otkup).

B) OSTALE VRSTE PODSTICAJA

1. Podsticaj za registraciju poljoprivrede kao osnovne djelatnosti,
2. Ugovorene obaveze iz 2021., 2022. i 2023. godine (refundacija doprinosa za registrovane poljoprivredne proizvođače),
3. Podsticaj za sufinansiranje troškova rada udruženja poljoprivrednih proizvođača sa područja općine Kakanj,
4. Sufinansiranje projekata udruženja poljoprivrednih proizvođača sa područja općine Kakanj,
5. Neisplaćeni podsticaji iz 2023.

- godine,
6. Rezervna sredstva.

C) OSTALE USLUGE, POLJOPRIVREDNI MATERIJAL, UNAJMLJIVANJE OPREME, UGOVORI O DJELU, TRANSFERI NEPROFITNIM ORGANIZACIJAMA, TRANSFERI POJEDINCIMA I IZDACI ZA INFORMISANJE IZ PROGRAMA PODSTICAJA POLJOPRIVREDNOJ PROIZVODNJI

1. Ostale usluge iz programa podsticaja poljoprivrednoj proizvodnji,
2. Poljoprivredni materijal,
3. Unajmljivanje opreme,
4. Ugovori o djelu,
5. Transfer neprofitnim organizacijama,
6. Transfer pojedincima,
7. Izdaci za informisanje i promociju poljoprivrede.

Napomena: Ukoliko se planirana sredstva po vrstama novčanih podsticaja iz objektivnih razloga u cijelosti ili djelomično ne iskoriste, ista se mogu preusmjeriti sa jedne pozicije na drugu unutar Programa, uz saglasnost Općinskog načelnika.

Općina Kakanj je u Budžetu za 2024. godinu izdvojila sredstva u iznosu od 539.250,00 KM, za realizaciju dole navedenih općinskih podsticaja:

A) PODSTICAJI U POLJOPRIVREDNOJ PROIZVODNJI

A/1 Podsticaj za animalnu proizvodnju

1.1. Podsticaj za predate-otkupljene količine svježeg kravljeg mlijeka za IV kvartal 2023, I, II i III kvartal 2024. godine (organizovani otkup)

Pravo na podsticaj imaju proizvođači svježeg kravljeg mlijeka upisani u Registar poljoprivrednih gazdinstava i registar klijenata kao nosioci gazdinstva, koji imaju potpisan Ugovor za tekuću godinu o otkupu kravljeg mlijeka sa registrovanim otkupljivačem mlijeka i koji se nalaze na listi izdatoj od otkupljivača mlijeka sa otkupljenom količinom

po kvartalima. Podsticaji za navedene predate-otkupljene količine svježeg kravljeg mlijeka će se isplaćivati kvartalno (za IV kvartal 2023. godine, I, II i III kvartal 2024. godine), s tim da će se IV kvartal iz tekuće godine planirati u Programu za 2025. godinu (na ovaj način se realizira podsticaj za proizvodnju svježeg kravljeg mlijeka na federalnom nivou).

Za ostvarivanje podsticaja potrebno je da se od strane registrovanih otkupljivača kravljeg mlijeka dostavi ovjerena Lista o otkupljenoj količini svježeg kravljeg mlijeka za poljoprivredne proizvođače sa područja općine Kakanj, sa navedenim isporučenim količinama kravljeg mlijeka po kvartalima.

Podsticaj iznosi:

- 0,18 KM/l za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 0,12 KM/l za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je:

- za IV kvartal 2023. godine do 16.02.2024. godine,
- za I kvartal 2024. godine do 15.04.2024. godine,
- za II kvartal 2024. godine do 15.07.2024. godine,
- za III kvartal 2024. godine do 15.10.2024. godine.

Za realizaciju posla zadužuje se Komisija.

1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka

Pravo na podsticaj imaju proizvođači svježeg kravljeg mlijeka koji nisu u organizovanom otkupu mlijeka i koji su upisani u Registar poljoprivrednih gazdinstava i registar klijenata kao nosioci, da posjeduju najmanje 2 (dva) muzna grla u gazdinstvu, da su nad grlima provedene sve neophodne zdravstvene mjere propisane zakonom – Prilog V (mliječni karton), te da su grla navedena u Detaljnoj listi stočnog fonda u RPG i RK. Grla kandidirana za podsticaj moraju biti obilježena ušnim markicama, u skladu sa

Pravilnikom o obaveznom označavanju i upisu u jedinstveni registar goveda.

Podsticaj iznosi:

- 150,00 KM/grlu za korisnike koji su registrovali poljoprivredu kao osnovnu djelatnost,
- 100,00 KM/grlu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 30.09.2024. godine.

Za realizaciju posla zadužuje se Komisija.

Procijenjeni iznos sredstava podsticaja za pozicije 1.1. i 1.2. iznosi: 138.000,00 KM.

2. Podsticaj za rasplodne krmače

Pravo na podsticaj imaju uzgajivači rasplodnih krmača upisani u Registar poljoprivrednih gazdinstava i registar klijenata kao nosioci.

Podstiču se samo kvalitetne rasplodne krmače starije od 12 mjeseci i ostavljene u rasplodu za najmanje još jednu generaciju potomaka.

Grla kandidirana za podsticaj moraju biti obilježena ušnim markicama, u skladu sa Pravilnikom o obaveznom označavanju i upisu u jedinstveni registar ovaca, koza i svinja te vođenju evidencija. Ukoliko se utvrdi da grlo koje se kandidira nije obilježeno ušnom markicom, vlasnik za isto nema pravo na ostvarivanje podsticaja.

U uzgoju mora biti osiguran stalni veterinarsko – zdravstveni nadzor, a nadležne veterinarske službe potvrđuju da su nad kandidiranim grlima provedene sve propisane mjere.

Podsticaj za rasplodne krmače iznosi:

- 150,00 KM/grlu za korisnike koji su registrovali poljoprivredu kao osnovnu djelatnost,
- 100,00 KM/grlu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 23.08.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 2.000,00 KM.

3. Podsticaj za pčelarstvo

Pravo na podsticaj imaju pčelari sa područja općine Kakanj koji su upisani u Registar poljoprivrednih gazdinstava i registar klijenata kao nosioci gazdinstva, da su upisani u Registar pčelara i pčelinjaka FBiH, te da su članovi udruženja pčelara sa područja općine Kakanj i da posjeduju košnice stacionirane na području općine Kakanj.

Podsticaj iznosi:

- 18,00 KM/košnici za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 12,00 KM/košnici za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 31.05.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 40.000,00 KM.

4. Podsticaj za zdravstvenu zaštitu goveda u sistemu krava – tele

Pravo na podsticaj imaju poljoprivredni proizvođači sa područja općine Kakanj, koji su registrirali poljoprivrednu djelatnost, upisani su u Registar poljoprivrednih gazdinstava i registar klijenata, te u vlastitom uzgoju posjeduju minimalno 15 oteljenih krava starijih od 2 godine. Navedena grla moraju biti u sistemu krava – tele, tj. da je njihov jedini prihod prirast teleta i da se mlijeko krava isključivo koristi za ishranu teladi.

Grla koja su predmet općinskog podsticaja obavezno je zadržati na vlastitom gazdinstvu najmanje 3 godine od dana podnošenja zahtjeva, a u slučaju uginuća ili izlučivanja radi remonta stada u toku godine (maksimalno 30% stada), obavezno je posjedovati zapisnik nadležne veterinarske organizacije ili kantonalnog veterinarskog inspektora. U uzgoju mora biti

osiguran stalni veterinarsko - zdravstveni nadzor, što potvrđuju nadležne veterinarske službe svojim potvrdama.

Općinski podsticaj se odnosi na troškove zdravstvene zaštite predmetnih grla (preventivna cijepljenja, dijagnostička ispitivanja, liječenja bolesnih grla, partusi i sl.).

Obračun općinskog podsticaja za zdravstvenu zaštitu goveda u sistemu krava-tele vrši se na temelju broja zdravih životinja navedenih u svim potrebnim dokumentima, te odobrenog broja krava iz zapisnika kojeg sačinjava kantonalni službenik ministarstva za poljoprivredu, šumarstvo i vodoprivredu ZDK, pri čemu je minimalan odnos krava-tele 1:1.

Podsticaj iznosi:

- 100,00 KM/grlu (krava - tele) za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 70,00 KM/grlu (krava - tele) za korisnike koji su registrovali poljoprivredu kao dopunsku djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 31.10.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 28.000,00 KM.

5. Podsticaj za zaštitu i uzgoj izvorne pasmine goveda – Buše

Pravo na podsticaj imaju poljoprivredni proizvođači sa područja općine Kakanj, koji su upisani u Registar poljoprivrednih gazdinstava i registar klijenata, te u vlastitom uzgoju posjeduju životinju uzgojenu u čistoj krvi ili u tipu. Vlasnici za navedena grla moraju imati potvrde iz evidencije Zavoda za poljoprivredu FBiH, da pripadaju životinji pasmine goveda - buše, izdate u tekućoj godini.

Grla koja su predmet općinskog podsticaja obavezno je zadržati na vlastitom gazdinstvu najmanje 2 godine od dana podnošenja zahtjeva,

a u slučaju uginuća, prinudnog klanja/eutanazije ili izlučivanja radi remonta stada u toku godine (maksimalno 30% stada), obavezno je posjedovati zapisnik nadležne veterinarske organizacije ili kantonalnog veterinarskog inspektora. U uzgoju mora biti osiguran stalni veterinarsko – zdravstveni nadzor, što potvrđuju nadležne veterinarske službe svojim potvrdama.

Podsticaj iznosi:

- 120,00 KM/grlu za korisnike koji su registrovali poljoprivredu kao osnovnu djelatnost,
- 80,00 KM/grlu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 31.10.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 5.000,00 KM.

A/2 Podsticaj za biljnu proizvodnju

1. Podsticaj za plasteničku i stakleničku proizvodnju

Pravo na podsticaje mogu ostvariti poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji ispunjavaju slijedeće uslove:

- da u plasteniku ili stakleniku imaju zasnovanu proizvodnju povrća ili cvijeća,
- da imaju plastenike ili staklenike površine od 100 m² do 500 m²,
- da je visina konstrukcije na najvišem dijelu minimalno 2 m,
- da su plastenici sa UV folijom, zatvoreni sa čeonih strana i montiranim vratima za ulazak i izlazak.

Podsticaj iznosi:

- 2,55 KM/m² za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 1,70 KM/m² za korisnike koji nisu registrovali poljoprivrednu djelatnost.

Pravo na podsticaj mogu ostvariti i poljoprivredni proizvođači koji su registrovali poljoprivredu kao osnovnu djelatnost i druga pravna lica (d.o.o.) i imaju preko 500 m² pod plasteničkom proizvodnjom. Općinski podsticaj će istima biti obračunat za maksimalnu površinu do 500 m².

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 28.06.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 46.000,00 KM.

2. Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (proljetna i jesenska obrada zemljišta)

2.1. Proljetna obrada poljoprivrednog zemljišta

Pravo na podsticaj imaju poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji u tekućoj godini u proljeće obave osnovnu i dopunsku obradu zemljišta i zasnuju ratarsku i povrtlarsku proizvodnju na vlastitom imanju ili na zemljištu u zakupu, na površini od 3-20 dunuma.

Podsticaj iznosi:

- 70,00 KM/dunumu za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 60,00 KM/dunumu za korisnike koji su registrovali poljoprivredu kao dopunsku djelatnost,
- 50,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva za proljetnu obradu poljoprivrednog zemljišta je do 31.05.2024. godine.

2.2. Jesenska obrada poljoprivrednog zemljišta

Pravo na podsticaj imaju poljoprivredni proizvođači upisani u Registar poljoprivrednih gazdinstava i

registar klijenata kao nosioci gazdinstva i koji u tekućoj godini u jesen obave osnovnu i dopunsku obradu zemljišta i zasnuju ratarsku i povrtlarsku proizvodnju na vlastitom imanju ili na zemljištu u zakupu, na površini od 3-20 dunuma.

Podsticaj iznosi:

- 70,00 KM/dunumu za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 60,00 KM/dunumu za korisnike koji su registrovali poljoprivredu kao dopunsku djelatnost,
- 50,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva za jesensku obradu poljoprivrednog zemljišta je do 29.11.2024. godine.

Za realizaciju posla zadužuje se Komisija.

Procijenjeni iznos sredstava podsticaja za pozicije 2.1. i 2.2. iznosi: 85.000,00 KM.

3. Podsticaj za održavanje intenzivnih zasada visokostablašica (jabučasto, koštičavo i jezgrasto voće)

Pravo na podsticaj imaju poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji imaju podignute intenzivne zasade visokostablašica (jabučasto, koštičavo i jezgrasto voće) na vlastitom imanju ili na zemljištu u zakupu, minimalne površine od 3 dunuma, a maksimalne 20 dunuma. U voćnjaku moraju biti provedene neophodne agrotehničke i pomotehničke mjere predviđene principima uzgoja u intenzivnoj proizvodnji.

Minimalan broj zasađenih stabala u intenzivnom voćnjaku za koji se aplicira (vidljivo iz registra poljoprivrednih gazdinstava i registra klijenata - Detaljni prikaz biljnih usjeva na posjedima iz 2024. godine) i na terenu:

- jabuka 2.000 komada/ha,
- kruška i višnja 1.500 komada/ha,
- šljiva 900 komada/ha,
- trešnja, breskva, kajsija i lijeska 700 komada/ha,
- dunja 1.000 komada/ha,

- okalemljeni orah 260 komada/ha,

Podsticaj iznosi:

- 90,00 KM/dunumu za korisnike koji su registrovali poljoprivredu kao osnovnu djelatnost i druga pravna lica (d.o.o.),
- 60,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 31.05.2024. godine.

Za realizaciju posla zadužuje se Komisija

Procijenjeni iznos sredstava za ovaj podsticaj iznosi: 20.000,00 KM.

4. Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka

Pravo na podsticaj imaju poljoprivredni proizvođači jagodastog voća sa područja općine Kakanj, koje nije u organizovanom otkupu, kao i proizvođači pitomog šipurka, te da su upisani u Registar poljoprivrednih gazdinstava i registar klijenata kao nosioci i da su gore navedene kulture navedene u Detaljnom prikazu biljnih usjeva na posjedima iz 2024. godine.

Podsticaj iznosi:

- 255,00 KM/dunumu za korisnike koji su registrovali poljoprivredu kao osnovnu djelatnost,
- 170,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 30.09.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 5.000,00 KM.

5. Podsticaj za proizvedene – otkupljene količine voća i povrća (organizovani otkup)

Pravo na podsticaj imaju proizvođači voća i povrća sa područja općine Kakanj upisani u Registar poljoprivrednih gazdinstava i registar klijenata kao nosioci gazdinstva, a koji imaju potpisan Ugovor za tekuću godinu o otkupu voća i povrća sa registrovanim otkupljivačem ili preradaivačem.

Podsticaj iznosi:

• Jagodasto voće

- 0,24 KM/kg za korisnike koji su registrovali poljoprivredu kao osnovnu djelatnost,
- 0,16 KM/kg za korisnike koji nisu registrovali poljoprivrednu djelatnost.

• Voće visokostablašica (jabučasto, koštičavo i jezgrasto)

- 0,18 KM/kg za korisnike koji su registrovali poljoprivredu kao osnovnu djelatnost,
- 0,12 KM/kg za korisnike koji nisu registrovali poljoprivrednu djelatnost.

• Kornišoni

- 0,15 KM/kg za korisnike koji su registrovali poljoprivredu kao osnovnu djelatnost,
- 0,10 KM/kg za korisnike koji nisu registrovali poljoprivrednu djelatnost.

• Ostalo povrće

- 0,24 KM/kg za korisnike koji su registrovali poljoprivredu kao osnovnu djelatnost,
- 0,16 KM/kg za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 29.11.2024. godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 24.000,00 KM.

B) OSTALE VRSTE PODSTICAJA

1. Podsticaj za registraciju poljoprivrede kao osnovne djelatnosti

Pravo na podsticaj imaju nezaposlene mlade osobe sa područja općine Kakanj:

- koje se nalaze na evidenciji Biroa za zapošljavanje
- da imaju zasnovanu poljoprivrednu proizvodnju,
- da su upisani u Registar poljoprivrednih gazdinstava i registar klijenata kao nosioci,
- da registruju poljoprivredu kao osnovnu djelatnost ili su već registrovali u 2024. godini i da istu održavaju najmanje 3 godine.

Podsticajna sredstva namijenjena su za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti za registrovanu djelatnost) u prvoj i drugoj godini sa 100%, u trećoj godini Općina Kakanj refundira 50%, a krajnji korisnik sa 50%.

Općina Kakanj će sačiniti i potpisati Ugovor sa odabranim korisnicima podsticaja u kojem će biti definisane obaveze. Obaveza korisnika podsticaja je da dostavlja mjesečne obrasce 2002 iz kojih su vidljive uplate obaveznih doprinosa, nakon čega će Općina Kakanj iste uplaćivati na žiro račun korisnika podsticaja.

Pravo na podsticaj ne mogu ostvariti oni koji su proteklih godina bili registrovani kao samostalni poljoprivrednici i koji su već bili korisnici ovog podsticaja.

Realizacija podsticaja će se obaviti nakon objavljenih javnih poziva u kojima će biti navedena potrebna dokumentacija.

Javni poziv će biti otvoren do utroška planiranih finansijskih sredstava.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 10.000,00 KM.

2. Ugovorene obaveze iz 2021., 2022. i 2023. godine (refundacije doprinosa za registrovane poljoprivredne proizvođače)

Shodno potpisanim ugovorima o realizaciji općinskog podsticaja za refundaciju troškova obaveznih doprinosa (PIO, zdravstveno osiguranje

i osiguranje od nezaposlenosti) za registraciju poljoprivrede kao osnovne djelatnosti, obaveza Općine je da:

- poljoprivrednim proizvođačima koji su registrovali poljoprivredu kao osnovnu djelatnost u 2021. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50% (5 korisnika).
- poljoprivrednim proizvođačima koji su registrovali poljoprivredu kao osnovnu djelatnost u 2022. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50% (15 korisnika).
- poljoprivrednim proizvođačima koji su registrovali poljoprivredu kao osnovnu djelatnost u 2023. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50% (7 korisnika).

Općina Kakanj će troškove obaveznih doprinosa u navedenom periodu uplaćivati mjesečno na žiro račun korisnika podsticaja, nakon dostavljanja obrazaca 2002 iz kojeg su vidljive uplate obaveznih doprinosa korisnika.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 54.108,27 KM.

3. Podsticaj za sufinansiranje troškova rada udruženja poljoprivrednih proizvođača sa područja općine Kakanj

Sredstva su namijenjena za godišnje troškove udruženja poljoprivrednih proizvođača sa područja općine Kakanj (troškovi knjigovodstva, troškovi goriva i telefona za predsjednika udruženja, nabavku kancelarijskog materijala i dr.). Planiran iznos je 600,00 KM po jednom udruženju.

Realizacija podsticaja će se obaviti nakon objavljenog javnog poziva u kojem će biti navedena potrebna dokumentacija.

Rok za podnošenje zahtjeva je 30 dana od objavljivanja javnog poziva.

Za realizaciju posla se zadužuje Komisija.

Procijenjeni iznos sredstava za ovaj podsticaj iznosi: 5.400,00 KM

4. Sufinansiranje projekata udruženja poljoprivrednih proizvođača sa područja općine Kakanj

Podsticaj za sufinansiranje projekata namijenjen je udruženjima poljoprivrednika sa područja općine Kakanj za nabavku mašina i opreme u poljoprivredi, u cilju razvoja i unapređenja poljoprivrede na području općine Kakanj.

Kriteriji koje mora ispuniti udruženje za dobijanje novčanog podsticaja su:

- da je udruženje registrovano u skladu sa Zakonom o udruženjima i fondacijama („Službene novine Federacije Bosne i Hercegovine“, broj: 45/02),
- da je upisano u Registar poljoprivrednih gazdinstava i klijenata,
- da dostavi Projekat koji sadrži slijedeće elemente:
naziv projekta, osnovni cilj projekta, aktivnosti koje se provode u okviru projekta, iznos sredstava potrebnih za realizaciju aktivnosti, odnosno za sufinansiranje projekta, broj korisnika obuhvaćenih projektom i očekivani rezultati.
- da dostavi ovjerenu izjavu da će pod moralnom, materijalnom i krivičnom odgovornošću sufinansirati projekat u iznosu od 20% od vrijednosti predmetnog projekta i da će dobijena sredstva namjenski utrošiti.
- da dostavi dokaz o obezbjeđenim sredstvima na računu (izvod iz banke) potrebnih za sufinansiranje projekta.

Općina Kakanj će sufinansirati iznos od 3.000,00 KM po projektu za nabavku mašina i opreme u poljoprivredi. Jedno udruženje može ostvariti podsticaj za jedan projekat u toku godine. Ocjenu dostavljenih projekata vršit će Komisija koju će imenovati Općinski načelnik.

Nakon utroška dobijenih sredstava, obaveza korisnika podsticaja je da dostave Izvještaj o namjenskom utrošku dobijenih sredstava.

Rok za podnošenje zahtjeva je 30 dana nakon objavljivanja javnog poziva.

Za realizaciju posla zadužuje se Komisija.

Procjena sredstava za ovaj podsticaj iznosi: 27.000,00 KM.

5. Neisplaćeni podsticaji iz 2023. godine

Sredstva su namijenjena za neisplaćene podsticaje iz 2023.god. (refundacija doprinosa poljoprivrednim proizvođačima koji su registrovali poljoprivredu kao osnovnu djelatnost u 2022. godini u iznosu od 3.072,56 KM i sufinansiranje projekta „Jesenji sajam poljoprivrede i rukotvorina Kakanj 2023“ u iznosu od 236,77 KM).

Procijenjeni iznos sredstava za ovu poziciju iznosi: 3.309,33 KM

6. Rezervna sredstva

Sredstva su namjenjena za hitne i nepredviđene aktivnosti u oblasti poljoprivrede koje se pojave tokom budžetske godine, u skladu sa utvrđenim kriterijima ovog Programa.

Rezervna sredstva u iznosu od 7.182,40 KM.

C) OSTALE USLUGE IZ PROGRAMA PODSTICAJA POLJOPRIVREDNOJ PROIZVODNJI, UGOVORI O DJELU, TRANSFERI NEPROFITNIM ORGANIZACIJAMA I TRANSFERI POJEDINCIMA

1. Ostale usluge iz Programa podsticaja poljoprivrednoj proizvodnji

Podsticaj za ostale usluge je namjenjen za fakture koje se pojave u toku budžetske godine iz Programa podsticaja polj.proizvodnji (za godišnju obuku poljoprivrednog savjetodavca i dr.)

Realizacija tokom godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 1.000,00 KM.

2. Poljoprivredni materijal iz Programa podsticaja poljoprivrednoj proizvodnji

Sredstva su namjenjena za izvještajno - prognozne poslove koji se obavljaju na teritoriji općine Kakanj, a podrazumijevaju nabavku repromaterijala (feromonske klopke, ljepljive ploče i dr. za potrebe rada IPS-a).

Realizacija tokom godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 1.000,00 KM.

3. Unajmljivanje opreme iz Programa podsticaja poljoprivrednoj proizvodnji

Sredstva su namjenjena za izvještajno - prognozne poslove koji se obavljaju na teritoriji općine Kakanj, a podrazumijevaju redovno servisiranje CDA 3 uređaja (agrometeoroloških stanica).

Realizacija tokom godine.

Za realizaciju posla zadužuje se Komisija.

Procijenjeni iznos sredstava za ovaj podsticaj iznosi: 1.000,00 KM.

4. Ugovori o djelu

Općina Kakanj će u saradnji sa Savezom „KAP“ Kakanj planirati organizaciju teoretske i praktične edukacije u oblasti poljoprivrede.

Za realizaciju posla zadužuje se Komisija u saradnji sa Savezom poljoprivrednih udruženja „KAP“ Kakanj.

Realizacija tokom godine.

Procijenjeni iznos sredstava za ovaj podsticaj iznosi: 1.250,00 KM.

5. Transfer neprofitnim organizacijama

Sredstva su planirana neprofitnim organizacijama za aktivnosti u oblasti poljoprivrede, a koje se pojave tokom budžetske godine, u skladu sa utvrđenim kriterijima ovog Programa (jesenji sajam poljoprivrede i rukotvorina u Kakanju, nagrađivanje

najuspješnijih poljoprivrednih proizvođača, dani polja kukuruza, organizovani odlazak poljoprivrednika na manifestacije i sajmove, studijske posjete vezano za poljoprivredu i ruralni razvoj i dr.)

Realizacija tokom godine.

Procijenjeni iznos sredstava za ovaj podsticaj iznosi: 10.000,00 KM.

6. Transfer pojedincima

Gore navedena sredstva su planirana za finansijsku pomoć poljoprivrednim proizvođačima (za štete nastale u oblasti poljoprivrede i druge finansijske pomoći poljoprivrednim proizvođačima).

Realizacija tokom godine.

Procijenjeni iznos sredstava za ovaj podsticaj iznosi: 10.000,00 KM.

7. Izdaci za informisanje i promociju poljoprivrede

Sredstva su namijenjena za medijsko predstavljanje poljoprivrede (izrada, razvoj, produkcija i emitovanje edukativnih emisija, priloga i promotivnih video spotova iz oblasti poljoprivrede) u svrhu promocije razvoja poljoprivredne proizvodnje na području općine Kakanj.

Realizacija tokom godine.

Procijenjeni iznos sredstava za ovaj podsticaj iznosi: 15.000,00 KM.

IV REALIZACIJA PROGRAMA

Nakon usvajanja Programa od strane Općinskog vijeća, isti će se objaviti na lokalnim sredstvima informisanja, web stranici Općine Kakanj, te dostaviti Savezu poljoprivrednih udruženja „KAP“ Kakanj. Nadležna služba će objavljivati pojedinačne obavijesti i javne pozive zajedno sa kriterijima, rokovima i neophodnom dokumentacijom za prijavu na podsticaj. Po realizaciji Programa, Komisija za podsticaje će sačiniti Izvještaj o utrošku novčanih sredstava

Tabelarni prikaz sa iznosima podsticaja po jedinici mjere

| R/b | Naziv podsticaja | Iznos sredstava za podsticaje |
|--|--|-------------------------------|
| A/1 PODSTICAJ ZA ANIMALNU PROIZVODNJU | | |
| 1.1. | Podsticaj za predate - otkupljene količine svježeg kravljeg mlijeka za IV kvartal 2023, I, II i III kvartal 2024. godine (0,12 KM/l i 0,18 KM/l) - organizovani otkup | 138.000,00 |
| 1.2. | Podsticaj za proizvođače svježeg kravljeg mlijeka koji nisu u organizovanom otkupu mlijeka - minimalno 2 muzna grla - 100,00 KM/grlu i 150,00 KM/grlu | |
| 2. | Podsticaj za rasplodne krmače - 100,00 KM/grlu i 150,00 KM/grlu | 2.000,00 |
| 3. | Podsticaj za pčelarstvo - 12,00 KM/košnici i 18,00 KM/košnici | 40.000,00 |
| 4. | Podsticaj za zdravstvenu zaštitu goveda u sistemu krava – tele – 70,00 KM/grlu i 100,00 KM/grlu, | 28.000,00 |
| 5. | Podsticaj za zaštitu i uzgoj izvorne pasmine goveda - buše 80,00 KM/grlu i 120,00 KM/grlu | 5.000,00 |
| A/2 PODSTICAJ ZA BILJNU PROIZVODNJU | | |
| 1. | Podsticaj za plasteničku i stakleničku proizvodnju - 1,70 KM/m ² i 2,55 KM/m ² | 46.000,00 |
| 2. | Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (od 3-20 dunuma) - 50,00 KM/dunumu, 60,00 KM/dunumu i 70,00 KM/dunumu (proljetna i jesenska obrada) | 85.000,00 |
| 3. | Podsticaj za održavanje intenzivnih zasada visokostablašica (jabučasto, koštičavo i jezgrasto voće) (od 3-20 dunuma) - 60,00 KM/dunumu i 90,00 KM/dunumu | 20.000,00 |
| 4. | Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka - 170,00 KM/dunumu i 255,00 KM/dunumu | 5.000,00 |
| 5. | Podsticaj za predate - otkupljene količine voća i povrća (organizovani otkup) - jagodasto voće: 0,16 KM/kg i 0,24 KM/kg - voće visokostablašica (jabučasto, koštičavo i jezgrasto): 0,12 KM/kg i 0,18 KM/kg - kornišon: 0,10 KM/kg i 0,15 KM/kg - ostalo povrće: 0,16 KM/kg i 0,24 KM/kg | 24.000,00 |
| B OSTALE VRSTE PODSTICAJA | | |
| 1. | Podsticaj za registraciju poljoprivrede kao osnovne djelatnosti | 10.000,00 |
| 2. | Ugovorene obaveze iz 2021., 2022. i 2023. godine (refundacije doprinosa za registrovane polj. proizvođače) | 54.108,27 |
| 3. | Podsticaj za sufinansiranje troškova rada udruženja poljoprivrednih proizvođača sa područja općine Kakanj | 5.400,00 |
| 4. | Sufinansiranje projekata udruženja poljoprivrednih proizvođača sa područja općine Kakanj | 27.000,00 |
| 5. | Neisplaćeni podsticaji iz 2023.godine | 3.309,33 |
| 6. | Rezervna sredstva | 7.182,40 |

| | C) OSTALE USLUGE IZ PROGRAMA PODSTICAJA POLJ. PROIZVODNJI, UGOVORI O DJELU, TRANSFERI NEPROFITNIM ORGANIZACIJAMA, TRANSFERI POJEDINCIMA I IZDACI ZA INFORMISANJE I PROMOCIJU POLJOPRIVREDE | |
|----|---|-------------------|
| 1. | Ostale usluge iz Programa podsticaja poljoprivrednoj proizvodnji. | 1.000,00 |
| 2. | Poljoprivredni materijal | 1.000,00 |
| 3. | Unajmljivanje opreme | 1.000,00 |
| 4. | Ugovori o djelu | 1.250,00 |
| 5. | Transfer neprofitnim organizacijama. | 10.000,00 |
| 6. | Transfer pojedincima. | 10.000,00 |
| 7. | Izdaci za informisanje i promociju poljoprivrede. | 15.000,00 |
| | UKUPNO | 539.250,00 |

**PREDSJEDAVAJUĆI
OPĆINSKOG VIJEĆA**
Slaven Katičić

43.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-38-70/24
Kakanj, 29.02.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a vezi sa članom 11. Pravila JU za predškolski odgoj i obrazovanje „Mladost“ Kakanj („Službene novine Općine Kakanj“, broj: 3/24), Općinsko vijeće na 38. sjednici, održanoj dana 29.02.2024. godine,
donijelo je

ZAKLJUČAK
o davanju saglasnosti na Finansijski plan
JU za predškolski odgoj i obrazovanje
„Mladost“ Kakanj za 2024. godinu

Član 1.

Ovim Zaključkom daje se saglasnost na Finansijski plan JU za predškolski odgoj i obrazovanje „Mladost“ Kakanj za 2024. godinu, usvojen Odlukom UO JU za predškolski odgoj i obrazovanje „Mladost“ Kakanj, broj: 065/24 od 24.01.2024. godine.

Član 2.

Sastavni dio Zaključka je Finansijski plan JU za predškolski odgoj i obrazovanje „Mladost“ Kakanj za 2024. godinu, sa Odlukom UO JU za predškolski odgoj i obrazovanje „Mladost“ Kakanj o usvajanju Finansijskog plana za 2024. godinu, broj: 065/24 od 24.01.2024. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić

44.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-38-71/24
Kakanj, 29.02.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a vezi sa članom 12. Pravila JU Centar za socijalni rad Kakanj („Službene novine Općine Kakanj“, broj: 6/19), Općinsko vijeće na 38. sjednici, održanoj dana 29.02.2024. godine,
donijelo je

ZAKLJUČAK
o davanju saglasnosti na Plan i program rada sa finansijskim planom za 2024. godinu
JU Centar za socijalni rad Kakanj

Član 1.

Ovim Zaključkom daje se saglasnost na Plan i program rada sa finansijskim planom za 2024. godinu JU Centar za socijalni rad Kakanj, usvojen Odlukom Upravnog odbora JU Centar za socijalni rad Kakanj, broj: 05-6-05-3-668/24 od 20.02.2024. godine.

Član 2.

Sastavni dio ovog Zaključka je Plan i program rada sa finansijskim planom za 2024. godinu JU Centar za socijalni rad Kakanj i Odluka UO JU Centar za socijalni rad Kakanj, broj: 05-6-05-3-668/24 od 20.02.2024. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA
Slaven Katičić

45.
BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
Općinsko vijeće

Broj: 01/1-38-72/24
Kakanj, 29.02.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine,
donijelo je

ZAKLJUČAK
o primanju k znanju Informacije o stanju zaštite od požara i vatrogastva na području općine Kakanj u 2023. godini

Član 1.

Ovim Zaključkom prima se k znanju Informacija o stanju zaštite od požara i vatrogastva na području općine Kakanj u 2023. godini, broj: 09/1-93/24 od 20.02.2024. godine.

Član 2.

Sastavni dio Zaključka je Informacija o stanju zaštite od požara i vatrogastva na području općine Kakanj u 2023. godini, broj: 09/1-93/24 od 20.02.2024. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA
Slaven Katičić

46.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-38-73/24
Kakanj, 29.02.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a u skladu sa članom 2. stav (2) Odluke o proglašenju Udruženja „Razvojni centar općine Kakanj“ udruženjem od posebnog interesa, Općinsko vijeće na 38. sjednici, održanoj dana 29.02.2024. godine, **donijelo je**

ZAKLJUČAK

o primanju k znanju Informacije o radu Udruženja „Razvojni centar općine Kakanj“ za period januar – decembar 2023. godine

Član 1.

Prima se k znanju Informacija o radu Udruženja „Razvojni centar općine Kakanj“ za period januar – decembar 2023. godine.

Član 2.

Sastavni dio Zaključka je Informacija o radu Udruženja „Razvojni centar općine Kakanj“ za period januar – decembar 2023. godine, broj: 01-012/24 od 30.01.2024. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

47.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-38-74/24

Kakanj, 29.02.2024. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu

Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 38. sjednici, održanoj dana 29.02.2024. godine, **donijelo je**

ZAKLJUČAK

po Informaciji o rješavanju problematike gradske zelene pijace

Član 1.

Prima se k znanju Informacija o rješavanju problematike gradske zelene pijace, broj: 02/1-1324/24 od 22.02.2024. godine.

Član 2.

Općinsko vijeće predlaže sporazumni raskid Ugovora o kupoprodaji, broj: OPU: 318/2017 od 14.12.2017. godine.

Član 3.

Ovlašćuje se Općinski načelnik za zaključenje i potpisivanje notarski obrađenog sporazuma o raskidu Ugovora o kupoprodaji, broj: OPU:318/2017 od 14.12.2017. godine, zaključenog između TD „NOVA TRGOVINA-S“ d.o.o. Kakanj kao kupca i Općine Kakanj kao prodavca, u skladu sa uslovima i zahtjevima TD „NOVA TRGOVINA-S“ d.o.o. Kakanj, navedenim u tački 1. (načini rješavanja problema) Informacije o rješavanju problematike gradske zelene pijace.

Član 4.

Sastavni dio ovog Zaključka je Informacija o rješavanju problematike gradske zelene pijace, broj: 02/1-1324/24 od 22.02.2024. godine.

Član 5.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

48.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-37-64/24

Kakanj, 29.02.2024. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), razmatrajući tačku dnevnog reda „Zahtjev mještana MZ Kakanj II i MZ Pope za rješavanje problematike pri radu Kamenoloma "Greben", Općinsko vijeće na 37. vanrednoj sjednici, održanoj dana 29.02.2024. godine,
donijelo je

ZAKLJUČAK

I

Općinsko vijeće daje punu podršku zahtjevima građana, te mjesnih zajednica Kakanj II i Pope za hitnu obustavu miniranja u Kamenolomu „Greben“ od strane privrednog društva Hidrogradnja d.d. Sarajevo u stečaju, te reviziju svih dozvola, projekata i druge dokumentacije koja se odnosi na eksploataciju sirovine i privredne aktivnosti Hidrogradnje u Kamenolomu „Greben“ Kakanj.

II

Zadužuju se Općinski načelnik i nadležna općinska služba da se obrate Ministarstvu privrede ZDK zahtjevom za reviziju i dostavu relevantne dokumentacije koja se odnosi na koncesione aktivnosti, eksploataciju sirovine i izvođenje radova miniranja tla od strane Hidrogradnja d.d.

Sarajevo u stečaju u Kamenolomu „Greben“ Kakanj.

III

Zadužuju se Općinski načelnik i nadležna općinska služba da se pismeno obrate Kantonalnoj upravi za inspekcijske poslove ZDK u vezi utvrđivanja zakonitosti rada i posjedovanja relevantne dokumentacije od strane privrednog društva Hidrogradnja d.d. Sarajevo u stečaju, poslovna jedinica Kamenolom „Greben“ Kakanj.

IV

Zadužuju se Općinski načelnik i nadležna općinska služba da se pismeno obrate Federalnom ministarstvu okoliša i turizma sa zahtjevom za dostavu okolinske dozvole izdate privrednom društvu Hidrogradnja d.d. Sarajevo u stečaju, za radove u Kamenolomu „Greben“ Kakanj.

V

Zadužuju se Općinski načelnik i nadležna općinska služba da Općinskom vijeću dostave informaciju i svu relevantnu dokumentaciju koja se odnosi na koncesiju, eksploataciju sirovine i izvođenje radova od strane privrednog društva Hidrogradnja d.d. Sarajevo u stečaju u Kamenolomu „Greben“.

VI

Ovaj Zaključak stupa na snagu danom donošenja, a biće objavljen u „Službenim novinama Općine Kakanj.“

**PREDSJEDAVAJUĆI
OPĆINSKOG VIJEĆA**

Slaven Katičić

S A D R Ź A J
„Službenih novina Općine Kakanj“ 4/24

| | |
|--|----|
| 38. Odluka o izmjeni i dopuni Budžeta Općine Kakanj za 2024. godinu..... | 1 |
| 39. Odluka o davanju na privremeno korištenje poslovnih prostora bez naknade..... | 2 |
| 40. Odluka o nabavci nekretnine..... | 3 |
| 41. Program rasporeda sredstava za podsticaj razvoja poduzetništva i obrta za 2024. godinu..... | 4 |
| 42. Program rasporeda sredstava za podsticaje u poljoprivredi za 2024. godinu..... | 13 |
| 43. Saglasnost na Finansijski plan JU za predškolski odgoj i obrazovanje „Mladost“ Kakanj za 2024. godinu..... | 26 |
| 44. Saglasnost na Plan i program rada JU Centar za socijalni rad Kakanj sa Finansijskim planom za 2024. godinu | 27 |
| 45. Informacija o stanju zaštite od požara i vatrogastva na području općine Kakanj u 2023. godini..... | 27 |
| 46. Informacija o radu Udruženja „Razvojni centar općine Kakanj“ za period januar-decembar 2023. godine..... | 27 |
| 47. Zaključak po informaciji o rješavanju problematike gradske pijace zelene..... | 28 |
| 48. Zaključak po zahtjevu mještana MZ Kakanj II i MZ Pope za rješavanje problematike pri radu Kamenoloma „Greben“ Kakanj | 28 |